


2018ko abenduan erregistratutako langabezia

2018ko abenduan zehar LANBIDEko bulegoetan 1.825 langabe gutxiago erregistratu dira. Horrek esan nahi du murrizketa balore erlatiboetan %1,50ekoa izan dela, eta 119.674 langabe daudela. Hilabete honetako murrizketa aurreko bi urtetan izandako murrizketa baino handiagoa izan da eta duela hiru urtekoaren antzekoa; krisi aurreko garaian, abenduan, langabezia hazi egiten zen.

Langabetuen hilabeteko saldoaren bilakaera



Urte arteko eboluzioari dagokionez, 7.873 pertsonetan murrizten da langabezia, aurreko hilabetearen baino 1.079 gehiago; gelditu egin da azken zazpi hilabeteetatik zetorren urte arteko murrizketaren erritmoaren apaltzea.

Erregistratutako langabetuen urte arteko saldoaren bilakaera



• S E X U A

Azken hilabeteen langabezia gizonezkoen artean hazi egin da (%0,92) eta emakumezkoen artean murriztu (-%3,35). Urte arteko saldoari dagokionez, gizonen artean %6,55 murriztu da, eta emakumeen artean, berriz, %5,87 soilik. Gaur egun langabeen %55,7 emakumeak dira. Krisia hasi zenean, aldiz, langabe kopurua berdintsua zen bi sexuetan, gizonezkoen artean langabezia orain baino handiagoa zen eta. Gizonezkoen artean krisiaren eragina handiago izan zen, baina talde hau errekupeazio ahalmen handiago erakusten ari da.

2018ko abenduan erregistratutako langabezia

• A D I N A

Azken hilabete honetan langabezia adin tarte guztietan murriztu da. 25-34 urtekoen adin tartean izan den beherakada nabarmentzen da (-%1,7). Urte arteko saldoan, 24 urte azpikoekin bilakaera alde batera utziz (langabezia hazten da), korrelazio handia ikusten da langabeziaren jaitsieraren eta langabezia duen lan eskatzaileen adinaren artean. Langabeen ia erdiak 44 urte baino gehiago ditu, laurden batek ez ditu 35 urte baino gehiago eta beste laurdenak 35 eta 44 urteen artean kokatzen dira. Langabeak zenbat eta zaharragoak izan orduan eta zailtasun handiagoak dituzte laneratzeko. Ekonomia, egun, hobetzen ari bada ere, egiturazko langabezia handia utziko du krisiak langabe zaharren artean.

• J A R D U E R A E K O N O M I K O A

Abenduan zehar zerbitzu sektoreko murrizketa nabarmentzen da, 1.973 langabetu gutxiago, %2,45eko murrizketa eta lehenengo sektorean %3,92 murriztu da. Eraikuntza sektorean %2,93 hazi da langabezia (258 langabe gehiago) eta industria sektorean %4,38 hazi da (633 langabe gehiago). Aurretik enplegurik izan ez dutenen artean 632 langabe gutxiago zenbatzen dira. Balore erlatiboetan eta aurreko urteko datuarekin alderatuz eraikuntza sektoreko murrizketa nabarmentzen da, %13,7ko jaitsiera, baita lehen sektorekoa (%8,9ko jaitsiera) ere.

Datuak zehatzago aztertuta, langabezia murrizketa handiena izan duen jarduera txikizkako merkataritza izan da 660 langabetu gutxiagorekin, eta ondoren janari eta edarien zerbitzuak (-335). Igoera nabarmenak izan dituzten jarduera batzuk hauek izan dira: enpleguarekin erlazionatutako jarduerak (+590) eta produktu metalikoen fabrikazioa (+162).

• L A N G A B E Z I A R E N I R A U P E N A

Hilabete honetan, epe laburreko langabezia 192 pertsonatan murriztu da eta epe luzekoa 1.633 pertsonatan. Urte osoari begiratuz gero, ikusten da jaitsiera handiagoa izan dela epe luzeko langabeen artean (%9,5 eta %2,5). Ekonomiaren susperraldia, bada, aukerak eskaintzen ari da langabe kronifikatuenei.

• L A N G A B E T U E N K O K A P E N G E O G R A F I K O A

Azken hilabetean langabezia hiru lurraldeetan murriztu da: Araban %0,52, Gipuzkoan %1,12 eta Bizkaian %1,96.

Urte arteko saldoari erreparatuz Gipuzkoak erregistratu du eboluzio onena %6,75eko jaitsierarekin; Bizkaia jarraitzen dio %6,49ko jaitsierarekin eta Araban %4,10 murriztu da.

Hiriburuak aztertuta, Gasteizen azken hilean 213 pertsonatan murriztu da langabezia, Bilbon 843 pertsonatan eta Donostian 226 pertsonatan. Durangaldean (+267) eta Aialako Ibarrean (+100) langabezia hazi da eta Ezker Eskualdean (-528), Ibaizabalen (-135) eta Gobelan (-129), aldiz, murriztu.

• L A N G A B E Z I A - P R E S T A Z I O A

2018ko abenduan 35.076 langabek kobratu dute langabezia-prestazioaren bat, hau da, aurreko hilean baino 1.507 langabe gutxiagok. Langabeen %29,3k du gizarte-prestazio hori jasotzeko eskubidea. 20.996 langabek jasotzen dute ordaindutakoaren arabeko prestazioa, hau da, langabeen %17,5 dira horiek. 14.080 langabek (%11,8), berriz, langabeziagatiko prestazioa jasotzen dute. Gipuzkoa da babes tasa handiena duen lurraldea (%32,5), Araban eta Bizkaian %28,2koa eta %28,1koa da, hurrenez hurren.

2018ko abenduan erregistratutako langabezia

Aurreko hilarekin alderatuz, langabeziagatiko estaldura-tasak 0.80 puntu murriztu da; aurreko urtearekin alderatuz, aldiz, 0.99 puntu hazi.

• IKASKETA MAILA

Langabeen %62k (74.153 lagun), oinarrizko ikasketak ditu, gehienez ere. Azken hilean, oinarrizko prestakuntza dutenen artean 942 langabetu gutxiago erregistratu dira. Talde horretan %6,6 jaitsi da langabezia azken urtean.

Batxilergo-titulua duten pertsonak langabeen %8,7 dira. Talde horretan %1,9 murriztu da langabezia azken hilean, eta azken urtean %5,2 murriztu.

Lanbide-heziketa ikasi eta langabezian dauden lagunak 20.645 dira, hau da, langabeen %17,3. Talde hau abenduan zehar %1,7 murriztu da, eta azken urtean %4 murriztu da.

Azkenik, langabeen %12,1ek (14.435 lagun), egin ditu unibertsitateko ikasketak. Ikasketa maila hau dutenen artean %2,1 murriztu da langabezia azken hilabeteetan eta %7,9 murriztu azken urtean, talde guztietan handiena bai urteko bilakaeran baita hilabetekoan ere.

• JATORRIA

Langabeen %16 (19.090 lagun), atzerritarrak dira. Azaroarekin alderatuta, ikusten da langabezia hazi egin dela atzeritarren artean %2,39, eta bertakoen artean %1,33 murriztu.

Langabe atzeritarren %35,7a Afrika iparraldekoak dira, %20,2a Latinoamerikatik datoz, %20,1 Europako Esparru Ekonomikotik, %15a Saharaz hegoaldeko Afrikatik, eta %5,7, azkenik, Asiatik. Langabezia abenduan atzeritar talde guztietan murriztu da, Europako Esparru Ekonomikotik eta Saharaz hegoaldeko Afrikatik etorritako pertsonen artean izan ezik; Latinoamerikatik datozenen murrizketa nabarmentzen da (-%6,3).

• KONPARAKETA ESTATUKO DATUEKIN

Estatuan 50.570 langabe gutxiago daude azaroan baino. Horrek esan nahi du langabezia %1,55 murriztu dela eta orain, guztira, 3.202.297 langabe daudela erregistratuta; EAEn, aldiz, %1,50 murriztu da. EAEren mugakide diren autonomia-erkidegoetan bilakaera ondorengoa izan da; Nafarroan %0,52 murriztu da, Errioxan %1,97 hazi, Kantabrian %1,95 hazi da, eta Gaztela eta Leonen %0,08 murriztu. Katalunian %0,38 murriztu da eta Madrilen %1,90. Urte arteko bilakaeran, langabezia berdin murriztu da Estatuan (-%6,17) eta EAEn (-%6,17).

2018ko abenduan erregistratutako langabezia

Lan-eskatzaille langabeak 2018ko abenduan

	abe-2018	aza-2018	Saldoa	Bil %
SEXUA:				
GIZONEZKOAK	53.021	52.536	485	0,92
EMAKUMEZKOAK	66.653	68.963	-2.310	-3,35
25 URTEZ AZPIKOAK:				
GUZTIRA	7.439	8.118	-679	-8,36
GIZONEZKOAK	3.789	4.094	-305	-7,45
EMAKUMEZKOAK	3.650	4.024	12	-9,29
25-44 URTE:				
GUZTIRA	51.789	52.285	-496	-0,95
GIZONEZKOAK	22.378	21.813	565	2,59
EMAKUMEZKOAK	29.411	30.472	-1.061	-3,48
45 URTEZ GORAKOAK:				
GUZTIRA	60.446	61.096	-650	-1,06
GIZONEZKOAK	26.854	26.629	225	0,84
EMAKUMEZKOAK	33.592	34.467	-875	-2,54
SEKTOREA:				
NEKAZARITZA ETA ARRANTZA				
INDUSTRIA	2.724	2.835	-111	-3,92
ERAIKUNTZA	15.073	14.440	633	4,38
ZERBITZUAK	9.060	8.802	258	2,93
AURREKO ENPLEGURIK GABE	78.655	80.628	-1.973	-2,45
LURRALDE HISTORIKOA:				
ARABA				
BIZKAIA	19.792	19.895	-103	-0,52
GIPUZKOA	68.204	69.566	-1.362	-1,96
EAE	31.678	32.038	-360	-1,12

	Lan-gabe-tuak	Erregistratu-tako langabe-zia indizea	Aurreko hilabetea		Aurreko urtea	
			Saldoa	Bil %	Saldoa	Bil %
Bidasoa Behera	4.029	10,8%	-94	-2,28	-246	-5,75
Oarsoalde	3.632	10,1%	-31	-0,85	-194	-5,07
Donostia-S.Se.	7.678	8,7%	-226	-2,86	-645	-7,75
Donost.Mendebaldea	3.064	8,5%	4	0,13	-302	-8,97
Tolosalde	2.057	8,8%	-60	-2,83	-205	-9,06
Urola Erdia	1.337	8,9%	38	2,93	-120	-8,24
Goiherri	1.652	7,9%	-70	-4,07	-56	-3,28
Deba Garaia	2.573	8,5%	-3	-0,12	-30	-1,15
Deba Behera	2.901	10,9%	95	3,39	-246	-7,82
Urola Garaia	1.064	8,8%	-31	-2,83	-127	-10,66
Urola Kosta	1.691	7,6%	18	1,08	-123	-6,78
GIPUZKOA	31.678	9,1%	-360	-1,12	-2.294	-6,75
Vitoria-Gasteiz	15.310	12,3%	-213	-1,37	-762	-4,74
Aialako Ibarra	2.424	12,6%	100	4,30	-71	-2,85
Arabar Errioxa	735	13,6%	8	1,10	-14	-1,87
Arabako lautada	673	9,0%	-1	-0,15	-67	-9,05
Gorbeia inguruak	292	6,2%	15	5,42	47	19,18
Arabako Ibarrek	409	8,4%	3	0,74	-1	-0,24
Arabako Mendialdea	101	6,6%	-13	-11,40	-14	-12,17
ARABA	19.792	12,0%	-103	-0,52	-847	-4,10
Gobela	4.775	9,2%	-129	-2,63	-430	-8,26
Txorierr	2.252	9,9%	-61	-2,64	-129	-5,42
Uribealde	3.001	9,2%	-49	-1,61	-156	-4,94
Durungaldea	3.561	9,5%	267	8,11	-235	-6,19
Busturialdea	2.292	10,6%	74	3,34	-116	-4,82
Lea-Artibai	1.133	9,4%	57	5,30	15	1,34
Enkarterriak	2.180	13,9%	-42	-1,89	-153	-6,56
Arratia-Zornotza	1.543	9,0%	60	4,05	-39	-2,47
Arratia-Nerbioi	1.350	10,3%	-35	-2,53	-128	-8,66
Bilbo	23.472	14,1%	-843	-3,47	-1.678	-6,67
Ezkerraldea	17.830	14,2%	-528	-2,88	-1.348	-7,03
Ibaizabal	4.658	11,6%	-135	-2,82	-305	-6,15
BIZKAIA	68.204	12,2%	-1.362	-1,96	-4.732	-6,49
EAE	119.674	11,2%	-1.825	-1,50	-7.878	-6,17

* Bizkaia eta Arabako eskualdeen batura ez dator bat lurraldeko totalarekin, Orduña udalerria Bizkaikoa izanik Arabako Aialako Ibarra eskualdean kokatzen baita.